

日本漢文學百家集

王焱 編

311



YSP
北京燕山出版社

王焱 主編

日本漢文學百家集
311



北京燕山出版社

第三一册

樵山存稿 詩一卷 文一卷 渡邊魯輔著 明治九年……………一

松塘詩鈔 二卷 鈴木松塘著 嘉永四年……………二四三



渡邊魯輔墓碑銘并序

安井衡撰

明治癸酉十二月十八日、渡邊魯輔没于東京澀谷村之宅、從于善持狀來請曰、孝宿凋落、其知伯父者、獨有先生、願賜一日間、以不朽之、予年者氣衰、加以蝦疾、固辭不可、乃據狀序之曰、君諱魯、字魯輔、號樵山、系出於左大臣源融、融曾孫源次綱、仕源賴光、徙攝津渡邊村、因氏焉、子孫多以武顯、綱十四世孫直、仕宗尊親王、王賜之近江速水莊、遂爲近江人、天正中有甚介統者、仕淺井長政、長政亡、隱居不仕、君其

番也。父諱昶，字奎輔，以鑿仕膳所侯。娶才戶氏，生君于江戶鱸坊之僑居。年甫十一，奎輔得疾，自知不起，托君及弟璞輔於慊堂松崎先生，輿病歸近江。未幾沒，二孤皆有才，先生愛之，視猶子，嘗贈之詩曰：吾園梅百樹，汝獨可超凡。及慊堂先生沒，以遺命守羽澤草廬。三年既而卜居青山，生徒漸進。萬延庚申九月，釋祕於糺藩，賜十五口俸，任以學政。君盡力教授，闔藩信從。元治甲子，幕府有召見之命，三月謁二條城。當是時，天下漸多事，紀侯以宗家之任，憂勞切至。君

善周旋其間、侯深倚賴焉、慶應乙丑參樞機、君側之事、無不與知、明年十一月、遷小姓頭、改稍爲祿、賜三十石、明治戊辰、拜奧右筆組頭、累遷參政、三年五月、免參政、從請也、時君已疾、在苒不瘥、至六年遂不起、享年五十有三、越三日、葬於目黑村長泉院、慊堂先生之墓側、從素志也、娶佐藤氏、無子、養從子震爲嗣、先沒、又養其妹、及疾病、乞舊淀藩士長村昭武、次于傳爲子、以妻之、君爲人、端夷謙讓、與物不競、服膺師說、終始不變、又以小學自任、曰、慊堂先生之沒、此學

無講者、夫讀書之要在識字、令人往往舍近驚遠、欲一蹴至道、是以終身兀兀、逡巡於咫尺之間、竟不能成者、蓋坐此耳、嘗作孟子章句考云、題章句上下者、後漢程曾字秀升、非趙岐也、慊堂先生之縮刻開成石經、審定宋本爾雅、君兄弟之力居多焉、及疾篤、精神不少亂、呼善曰、慊堂先生有五倫說、吾欲記之、而未能、汝謹識之、其惓惓於先師、至沒不衰也、嗚呼、是可以銘、銘曰

維渡邊氏

世濟厥勳

君承其後

獨振於文

其文維何 丘索典墳 學成而仕 又能解紛
一心所注 維師維君 澤有蘭兮 邱有芸兮
雖榮不延 歿有餘薰

右遺文六十七篇詩古今體二百五十三首
明治丙子七月活刷就緒八月功竣

不肖傳謹識

■ 基礎金

三 一 点 八 十 九 斤

校謔

歲杪卽事滿案書 書頭誤 吾愛夏日長覺花

覺鶯誤 題蘇武別陵李圖 陵李倒 板屋爲秋

風所破歌少焉風雨 風下脫威字 村舍祈晴有

應分脈脈 脈派誤 聞人譚怪驗真假 真假倒

題武內半助云云興送倉田袖岡云云措置 三

用前礎又答來意近時詩諷 諷謝誤 十一月十

五夜云云第幾星 星重誤 步上島良藏所示韻

注名重字士勤 重下脫精字 一月一日有感作

四十年一十三年下脫前字

山井善謹校

焉能爲詩集

江戸 渡邊魯正風

五言古

陶淵明集刻成賦以志喜

十卷陶公集剗刷始訖功揭刷復裁裝珍玩如璧琮
千古多鉅匠此公一何雄雖無縲麗巧天真自高崇
生遭屯難世抱節善處窮五斗不折腰貞操貫蒼穹
興來傾斗酒欣欣和氣充吐之擿詞藻言泉沸胸中
噫彼皮相徒一世事彫蟲所以身旣歿泯滅艸木同

一讀千秋下肅然仰高風口吻頓覺積鬱懷忽永融
願言朝夕誦矇矓或得通

歲杪卽事

瞥然經過盡二十四春秋誤陷書生窟覩混混一作稱學

究流家貧無長物地偏少交儔頻酌唯堪喜屢空豈

足憂黑斜虞玩屐敝垢晏嬰裘箇外復何在圖書滿

案書弟山井璞云余嘗有句曰一杯唯喜時開口五
斗真羞屢折腰又有句云晏子一裘三十歲阮

郎幾履畢平生忽然想得來兄先得我心矣

頃年都下近郊種菊携莖爲人物之狀爭鬪奇

巧乙巳小春余與村山生往觀因紀事

戶戶爭種菊都城東北村千金不顧惜終歲培其根
花時各競巧爛斑賁丘園花譜禍梨棗街賣四方奔
茅葦忽爲徑車馬往來喧余亦一往觀歷歷窺籬藩
高者爲山岳卑者爲川原圓者爲日月方者爲家門
長則擬舟梁楮則象龜龜走馬欲飲溪驕狐將踰垣
達磨坐禪穩布袋笑靨溫爲燕或爲鶴有鯉又有鯢
千萬各異狀一一叵備論雖則眩人目天真鮮所存
此則物之妖畢竟何足言君性本正直懼此縲繼煩

所以余極口爲君雪其冤

送日野伯槩還西條兼呈釀泉翁

文章不朽業安得容易成
爬剔時文臭始成一家名
淺人不讀書枵腹徒經營
鄙俚雜諧謔鉢腸剝性情
摸倣前賢迹咬糟遺其英
或又論格律斤斤事新清
摘藻雖則工大道之榛荆
徒供覆瓿具何須費神精
辭遠而已矣修辭立其誠
聖人有謨訓炳乎日月明
讀破萬卷書學識富且宏
言泉與思風蘊積胸裏橫
自後吐爲文筆端自應輕
不求合格律格律隨手生